

琉球國中山王世子尙 爲進

貢事照得敝國遠居瀛壖叨沐

天朝隆恩遵依會典二年一貢欽遵在案茲當

咸豐二年貢期特遣耳目官毛種美正議

大夫蔡士俊都通事鄭思恭等率領梢役

共一百九十九員名坐駕海船二隻分運

煎熟硫磺一萬二千六百觔紅銅三千觔

煉熟白剛錫一千觔前至福建布政使司

投納照例分別留閩守驛員伴與遣發回

國員役令其貢使毛種美等齎捧

表章方物前赴

京師叩祝

聖禧又特遣王舅馬克承正議大夫梁必達都

通事阮宣詔等另捧咨文率領跟伴共三

十三員名搭駕二號貢船前詣福建陳請

布政使司轉詳

咸豐二年八月初三日琉球國中山王世子
自爲字起至個字止共計二百七十七字紙一張
臣尙泰謹奏

督
撫兩院

奏請

聖諭外理合移知爲此備咨

貴部請煩察照施行須至咨者

右 咨

禮 部

咸豐二年八月初三日

2-192-09

琉球國中山王世子尙 爲欽奉

寶詔恭謝

天恩事竊臣泰世沐

皇恩無由報答道光三十年謹遣陪臣王舅夏

超群正議大夫毛有增等虔捧

表章赴

京進

貢兼賀

登極該使臣等未到閩省時當

皇上恭上

宣宗成皇帝尊謚禮成頒

詔天下

禮部將頒賜臣泰

寶詔一道咨送

兵部發交

閩浙總督轉行頒發又恭遇